

Bosna i Hercegovina  
Federacija Bosne i Hercegovine  
**TUZLANSKI KANTON**

**KANTONALNI SUD U TUZLI**  
Broj: 003-0-Su-23-000 112

# **Godišnji izvještaj o realizaciji trogodišnjih ciljeva suda i godišnjeg programa rada za 2023. godinu**

**Tuzla, februar 2024. godine**

## SADRŽAJ

A. Uvod .....	3
B. Pregled realizacije aktivnosti po strateškim i trogodišnjim ciljevima u planskoj godini .	7
b.1 . Obrazloženje za rezultate kod kojih je došlo do odstupanja u odnosu na očekivani godišnji rezultat.....	9
b.2 . Obrazloženje aktivnosti ( načina i stepena realizacije aktivnosti).....	12

## A. Uvod

(Sažetak ostvarenih godišnjih rezultata, sa doprinosom ostvarenju strateških i trogodišnjih ciljeva, i uočenih izazova u njihovoj realizaciji, najviše dvije stranice)

Kantonalni sud u Tuzli donio je Strateški plan rada za period 2022. – 2024. godina i Godišnji Program rada dana 09. februara 2023. godine pod brojem 003-0-Su-23-000112, koji je dostavljen Visokom sudskom i tužilačkom vijeću Bosne i Hercegovine.

U Programu rada za 2024. godinu postavljeni su prioriteti i strateški ciljevi, te procjena mogućih problema i rizika u njihovoj realizaciji.

Postavljena su tri strateška cilja i to:

- **Strateški cilj 1. – „Unapređenje efikasnosti rada suda“ u okviru kojeg su postavljeni trogodišnji ciljevi**
  - Smanjenje broja i starosti neriješenih predmeta u Građanskom odjeljenju za 10%,
  - Unapređenje rada na predmetima korupcije i
  - Smanjenje dužine trajanja postupka u građanskim predmetima.
  
- **Strateški cilj 2. – „Unapređenje kvaliteta rada suda“**
  - Povećanje statističkog kvaliteta sudskih odluka
  - Osiguranje on line pristupa legislativi i popuna biblioteke suda stručnom literaturom.
  
- **Strateški cilj 3. – „Unapređenje otvorenosti i dostupnosti informacija o radu suda“**
  - Objavljivanje statističkih podataka o radu suda na službenoj web. stranici,
  - Uspostavljanje redovne prakse objavljivanja saopštenja za medije u vidu konferencija, izjava ili pisanog izvještavanja i
  - Objavljivanje odluka suda u krivičnim i drugim predmetima od značaja za javnost.

Aktivnosti Kantonalnog suda u Tuzli u 2023. godini bile su usmjerene na realizaciju postavljenih strateških ciljeva i trogodišnjih ciljeva u okviru određenog strateškog cilja.

- **Strateški cilj 1. – „Unapređenje efikasnosti rada suda“**

**U okviru 1. trogodišnjeg cilja planirano je „Smanjenje broja i starosti neriješenih predmeta u Građanskom odjeljenju za 10%“, odnosno brojčano 720 predmeta, pa radi postizanja ovog trogodišnjeg cilja određene su aktivnosti u 2023. godini među kojima su redovno održavanje sjednica Građanskog odjeljenja, redovna analiza mjesečnog rada sudija, sa osvrtom na realizaciju Plana rješavanja predmeta, posebno starih predmeta, tromjesečna analiza rada sudija u Građanskom odjeljenju, sa posebnim osvrtom na realizaciji Plana rješavanja predmeta i popuna**

biblioteke suda stručnom literaturom koja je u svakom momentu dostupna sudijama i stručnim saradnicima.

Ukupno na Građanskom odjeljenju iz 2022. godine preneseno je neriješenih 4.962 predmeta, a u toku 2023. godine primljeno je 3.724 predmeta, tako da je ukupno u radu 8.686 predmeta, riješeno 4.228 predmeta, što predstavlja 48,7% od ukupnog broja predmeta na građanskom referatu, a od tog broja, u skladu sa donesenim Planom rješavanja predmeta po starosti inicijalnog akta, na građanskom referatu riješeno je 3.463 predmeta, što predstavlja 81% od ukupnog broja riješenih građanskih predmeta u toku godine, što znači da je riješen daleko veći broj predmeta od planiranih 10% građanskih predmeta. Na kraju 2023. godine na građanskom referatu ostalo je neriješeno 4.012 predmeta, što u odnosu na 2022. godinu kada je ostalo neriješeno 4.515 predmeta, predstavlja smanjenje broja neriješenih predmeta za 503 predmeta što procentualno iznosi 11,1%. Iz navedenih pokazatelja slijedi da je Kantonalni sud u Tuzli riješio priliv predmeta u 2023. godini i nešto veći broj predmeta od tekućeg priliva za 11,1%.

Na građanskom referatu su postignuti dobri rezultati, iako je u 2023. godini sedam sudija iz ovog odjeljenja bilo odsutno zbog bolovanja u periodu od 30 dana do preko 6 mjeseci, a troje sudija se još uvijek nalazi na bolovanju i neizvjesno je kada će se vratiti.

**U okviru 2. trogodišnjeg cilja planirano je „Unapređenje rada na predmetima korupcije“**, provedene su sve aktivnosti i pokazatelji za izlazne rezultate pokazuju da je ostvaren ovaj trogodišnji cilj, budući da je u 2023. godini planirano da će se riješiti ukupno 32% „KŽ“ i „K“ predmeta ove vrste. Radi realizacije ovog trogodišnjeg cilja u Plan rješavanja predmeta sudijama su uneseni predmeti korupcije zavedeni pod „K“ i „KŽ“, te se redovno na sjednicama Krivičnog odjeljenja pratila realizacija donesenog Plana rješavanja predmeta i vršila mjesečna analiza izvještaja o radu na ovim predmetima. Dvoje sudija sa krivičnog referata su učestvovali u specijalističkoj obuci rada na predmetima korupcije.

Iz 2022. godine na prvostepenom krivičnom referatu prenesena su 4 predmeta korupcije, a u toku 2023. godine primljena su 4 predmeta, tako da je ukupno u radu bilo 8 predmeta i isključivo su se odnosila na krivična djela – Zloupotreba položaja ili ovlaštenja, Pronevjera i Pranje novca. U 2023. godini riješena su 3 predmeta, a ostalo je neriješeno 5 predmeta i svi ti predmeti su aktivni, što znači da sudije u tim predmetima kontinuirano postupaju.

Na drugostepenom krivičnom referatu ukupno u radu je bilo 49 „KŽ“ predmeta korupcije, od čega je riješeno 38 predmeta, a ostalo neriješeno 11 predmeta, što predstavlja procentualno 77% riješenih drugostepenih predmeta korupcije. U drugostepenom krivičnom postupku „KŽ“ rješavalo se po žalbama na odluke donesene u predmetima korupcije od strane prvostepenih sudova. Kantonalni u Tuzli posebnu pažnju posvećivao je ovim predmetima i ovi predmeti su imali prioritet u radu, tako da su stavljeni u Plan rješavanja predmeta sudijama, te su na taj način znatno skraćeni rokovi rješavanja ovih predmeta.

Kantonalni sud u Tuzli je u Programu rada naveo da će u trogodišnjem periodu riješiti ukupno 32% „KŽ“ i „K“ predmeta korupcije, a riješio je 77%, što predstavlja daleko veći procenat od postavljenog procenta, upravo iz razloga što je dat prioritet u rješavanju ovim predmetima. U Kantonalnom sudu u Tuzli u okviru Projekta USAID-a „Pravosuđe protiv korupcije u BiH“, pruža se podrška sudijama u radu na predmetima korupcije, a dvoje sudija ovog suda su prošli specijalističku obuku rada na predmetima ove vrste i organizovanog kriminala.

**U okviru 3. trogodišnjeg cilja planirano je „Smanjenje dužine trajanja postupka u građanskim predmetima“**, planirano je da prosječno trajanje postupka u građanskim predmetima iznosi 820 dana, ali dužina trajanja postupka je značajno smanjena u građanskim predmetima i ona

u 2023. godini je iznosila 507 dana, ali na drugostepenom privrednom referatu 764 dana, jer se predmeti rješavaju isključivo po starosti inicijalnog akta kojim je pokrenut postupak pred prvostepenim sudom. Značajno je smanjena dužina trajanja postupka u vanparničnim predmetima i ona iznosi 423 dana, u stečajnim predmetima 141 dan, a u predmetima zemljišno – knjižnim i predmetima ponavljanja postupka u građanskim stvarima dužina iznosi 319 dana. U cilju smanjenja dužine trajanja postupka na građanskom referatu, a koji ima najveći broj neriješenih predmeta, novoimenovane sudije su raspoređene na ovaj referat, tako da se smanjilo zaduženje broja neriješenih predmeta po sudijama, a što će u narednom periodu sigurno uticati na smanjenje dužine trajanja postupka u građanskim predmetima.

Radi realizacije ovog trogodišnjeg cilja rađeni su kvartalni izvještaji sa podacima o trajanju dužine postupka u građanskim predmetima, redovno su se održavale sjednice Građanskog odjeljenja na kojima su se predlagale mjere za skraćenje dužine trajanja postupka.

- **Strateški cilj 2. – „Unapređenje kvaliteta rada suda“**

U okviru **1. trogodišnjeg cilja Povećanje statističkog kvaliteta sudskih odluka**, sud je preduzeo aktivnosti da se statistički kvalitet sudskih odluka poveća ili održi na dotadašnjem nivou. U sudu je ukupno doneseno 4.623 odluke, na koje se može izjaviti pravni lijek. Ožalbeno je bilo 377 odluka, od kojih je u 145 predmeta odbačen pravni lijek, u 266 predmeta odluka je potvrđena, u 52 predmeta odluka je preinačena, u 52 predmeta odluka je u cjelosti ukinuta, a u 7 predmeta odluka je djelimično ukinuta. U 28 predmeta, predmet je vraćen ovom sudu na ponovno suđenje.

Kvalitet sudskih odluka na svim referatima ostvaren je u procentu od 88,66%, tako da je cilj koji je postavljen u strateškom planu realizovan iznad planiranog, jer je u 2023. godini planirano da se ostvari statistički kvalitet sudskih odluka u procentu od 87%. Izuzetno dobar kvalitet sudskih odluka je i dalje na građanskom referatu, a nešto je slabiji kvalitet sudskih odluka na krivičnom referatu i referatu upravnog spora, što se u konačnici odrazilo na ukupan kvalitet sudskih odluka u sudu.

Radi povećanja kvaliteta rada suda na sjednicama odjeljenja redovno se razmatralo pitanje kvaliteta sudskih odluka kroz odluke donesene od više sudske instance, a sem toga sudije su posebnu pažnju posvećivale stručnoj edukaciji i specijalističkoj obuci. Uprava suda je redovno vršila popunjavanje biblioteke suda stručnom literaturom, posebno komentarima zakona prema iskazanim potrebama sudija.

U okviru **2. trogodišnjeg cilja Osiguranje on – line pristupa legislativi i popuna biblioteke suda stručnom literaturom**, Kantonalni sud u Tuzli je preduzeo aktivnosti kako bi omogućio sudijama on – line svim pravnim propisima, jer je službena glasila obezbijedio u elektronskoj verziji. Radi se o službenim glasilima svih nivoa vlasti koja su u elektronskoj verziji dostupna svakom sudiji. Prema iskazanim potrebama sudija obezbjeđena je stručna literatura u obliku zakona i komentara zakona koji su aktuelni i sudijama neophodni za rad na predmetima.

- **Strateški cilj 3. – „Unapređenje otvorenosti i dostupnosti informacija o radu suda“**

Kantonalni sud u Tuzli je u toku 2023. godine ispunio postavljene trogodišnje ciljeve, a koji se odnose na **Objavljivanje statističkih podataka o radu suda na službenoj web. stranici**,

## **Objavljivanje saopštenja za medije u vidu konferencija, izjava ili pisanog izvještavanja i Objavljivanje odluka suda u krivičnim i drugim predmetima od značaja za javnost.**

U toku 2023. godine Kantonalni sud u Tuzli na web. stranicu suda redovno je postavljao izvještaje o radu, pa je tako postavljen Godišnji Program rada Kantonalnog suda u Tuzli za 2023. godinu, Informacija o donošenju Plana rješavanja predmeta za 2023. godinu, Informacija o realizaciji Plana rješavanja predmeta za 2022. godinu, Informacija o donošenju Plana rješavanja stečajnih predmeta i predmeta proizašlih iz stečajnog postupka za 2023. godinu, Informacija o realizaciji Plana rješavanja stečajnih predmeta i predmeta proizašlih iz stečajnog postupka za 2022. godinu, Statistički izvještaj koji se tiče rada suda za 2023. godinu, Izvještaj o poštivanju optimalnih i predvidivih rokova, Informacija o predmetima ratnih zločina, Godišnji izvještaj o provedenoj provjeri tačnosti i ažurnosti podataka u CMS, Izvještaj o zahtjevima u kojima je Kantonalni sud u Tuzli odlučio o zahtjevima u skladu sa Zakonom o slobodi pristupa informacijama u Federaciji BiH, Izvještaj o realizaciji Plana rješavanja predmeta po kvartalima, tako da je ukupno objavljeno 15 izvještaja, a u trogodišnjem cilju planirano je da će biti realizovane 4 aktivnosti u pogledu objavljivanja statističkih podataka o radu suda. U proteklom periodu izdato je 10 saopštenja za medije i javnost, o aktivnostima koje su se vodile u organizaciji Kantonalnog suda u Tuzli, a predsjednica suda je učestvovala dana 27.10.2023. godine u manifestaciji Evropski dan pravde kao učesnik Panela pod nazivom Prezentacija građanima ključnih informacija na temu funkcionisanje pravosudnih institucija, integritet sudija i tužilaca, Etički kodeks, čiji je zadatak bilo predstavljanje ključnih informacija građanima i građankama Tuzle, predstavnicima nevladinih organizacija, studentima Pravnog fakulteta i učenicima osnovnih i srednjih škola, o funkcionisanju pravosudnih institucija, integritetu sudija i tužilaca, te Etičkom kodeksu.

Što se tiče objavljivanja odluka u krivičnim predmetima i drugim predmetima, na web. stranici je objavljeno 40 sudskih odluka i to 9 krivičnih odluka i 31 odluka iz upravne oblasti, što je dalko više, obzirom da je planirano objavljivanje 14 odluka.

Kantonalni sud u Tuzli u 2024. godini nastavit će sa aktivnostima smanjenja broja neriješenih predmetima, posebno u Građanskom odjeljenju i efikasnog rješenja predmeta korupcije i organizovanog kriminala, a što će u svakom slučaju zavisiti od prisustva sudija na poslu.

## B. Pregled realizacije aktivnosti po strateškim i trogodišnjim ciljevima u planskoj godini

<b>Strateški cilj 1</b>	Unapređenje efikasnosti rada suda	
<b>Doprinos ostvarenju strateškog cilja</b>	Kantonalni sud u Tuzli kroz preduzete aktivnosti uspio je smanjiti broj neriješenih predmeta u Građanskom odjeljenju, te prioritarno raditi na predmetima korupcije, radi čega je riješen veliki broj predmeta, posebno na drugostepenom krivičnom referatu, kao i smanjiti dužinu trajanja postupka u građanskim predmetima, sem u predmetima privrednog spora. Svojim aktivnostima Kantonalni sud u Tuzli je doprinio ostvarivanju ovog strateškog cilja.	
<b>Trogodišnji cilj 1.1.</b>	Smanjenje broja i starosti neriješenih predmeta u Građanskom odjeljenju za 10%	
<b>Doprinos ostvarenju trogodišnjeg cilja</b>	U 2023. godini ukupno je u radu na Građanskom odjeljenju bilo je 8.686 predmeta, riješeno je 4.228 predmeta, što predstavlja 48,7% od ukupnog broja predmeta na građanskom referatu. U skladu sa donesenim Planom rješavanja predmeta, riješeno je najstarijih 3.463 predmeta, što predstavlja 81% od ukupnog broja riješenih građanskih predmeta, tako da je riješeno daleko više od planiranog postotka od 10% građanskih predmeta. Na kraju godine ostalo je neriješenih 4.012 predmeta na građanskom referatu, što u odnosu na početak 2023. godine, kada je bilo neriješenih 4.515 predmeta, predstavlja smanjenje broja neriješenih predmeta za 503 ili procentualno 11,1%.	
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>
	720	3.463

<b>Trogodišnji cilj 1.2.</b>	Unapređenje rada na predmetima korupcije	
<b>Doprinos ostvarenju trogodišnjeg cilja</b>	Kantonalni sud u Tuzli imao je ukupno u radu u 2023. godini na prvostepenom krivičnom referatu 8 „K“ predmeta korupcije, riješio je 3 „K“ predmeta, a ostalo je neriješeno 5 „K“ predmeta, na kojima se aktivno radi. Na drugostepenom krivičnom referatu ukupno je u radu bilo 49 „KŽ“ predmeta korupcije, riješeno je 38 predmeta, a ostalo je neriješeno 11 predmeta, što procentualno predstavlja 77% riješenih predmeta korupcije.	
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>
	32% „K“ i „KŽ“ predmeta	Riješeno 37,5% „K“ predmeta, a 77% „KŽ“ predmeta, iz čega slijedi da je postignut rezultat postavljen u trogodišnjem cilju o procentu rješavanja predmeta od 32%.

<b>Trogodišnji cilj 1.3.</b>	Smanjenje dužine trajanja postupka u građanskim predmetima	
<b>Doprinos ostvarenju trogodišnjeg cilja</b>	Ovim strateškim ciljem planirano je da prosječno trajanje postupka u građanskim predmetima iznosi 820 dana, ali dužina trajanja postupka je smanjena u 2023. godini i iznosi 507 dana, s tim što na privrednom referatu ona je samo neznatno smanjena u odnosu na prethodnu godinu i iznosi 764 dana. Značajno je smanjena dužina trajanja postupka u vanparničnim predmetima na 423 dana, u stečajnim predmetima na 141 dan i zemljišno – knjižnim predmetima na 319 dana. Prosječno trajanje riješenih predmeta u sudu na godišnjem nivou iznosi 405 dana, a prosječno trajanje neriješenih predmeta 299 dana.	
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>
	820	507

<b>Strateški cilj 2</b>	Unapređenje kvaliteta rada suda	
<b>Doprinos ostvarenju strateškog cilja</b>	Kantonalni sud u Tuzli je preduzeo aktivnosti da se statistički kvalitet sudskih odluka poveća ili održi na dotadašnjem nivou.	
<b>Trogodišnji cilj 2.1.</b>	Povećanje statističkog kvaliteta sudskih odluka	
<b>Doprinos ostvarenju trogodišnjeg cilja</b>	Kantonalni sud u Tuzli je svojim aktivnostima realizovanim u 2023. godini povećao statistički kvalitet sudskih odluka, tako da je on iznad planiranog i ostvaren je na nivou suda u procentu od 88,66%.	
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>
	87%	88,66%

<b>Trogodišnji cilj 2.2.</b>	Osiguranje on line pristupa legislativi i popuna biblioteke suda stručnom literatuom	
<b>Doprinos ostvarenju trogodišnjeg cilja</b>	Kantonalni sud u Tuzli je kroz aktivnosti nabavke stručne literature i komentara zakona omogućio sudijama pristup on – line pravnim propisima, službenim glasilima svih nivoa vlasti koji su nabavljeni u elektronskoj verziji i dostupni svakom sudiji. Prema iskazanim potrebama sudija u toku 2023.g. nabavljeno je 8 zakona i komentara zakona iz krivično – pravne oblasti, građanske i uprave oblasti.	
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>
	3 + 3	Osigurana elektronska glasila 3 + 8 zakona i komentara zakona
<b>Strateški cilj 3</b>	Unapređenje otvorenosti i dostupnosti informacija o radu suda	
<b>Doprinos ostvarenju strateškog cilja</b>	Kantonalni sud u Tuzli u 2023. godini ispunio je postavljene trogodišnje ciljeve koji se odnose na Unapređenje otvorenosti i dostupnosti informacija o radu suda.	
<b>Trogodišnji cilj 3.1.</b>	Objavljivanje statističkih podataka o radu suda na službenoj web. stranici	
<b>Doprinos ostvarenju trogodišnjeg cilja</b>	U 2023. godini Kantonalni sud u Tuzli objavljivao je na web. stranici podatke o radu suda, te statističke podatke vezano za izvještaj o radu	



	suda, te podatke koji se tiču donesenih akata suda, radi unapređenja i efikasnosti rada suda. Tako je na web. stranicu postavljen Program rada suda za 2023. godinu, Plan rješavanja predmeta, Realizacija plana, Plan rješavanja stečajnih predmeta, Izvještaj o poštivanju optimalnih i predvidivih rokova, Izvještaj o provedenoj tačnosti i ažurnosti unosa podataka u CMS, Izvještaj o radu na predmetima ratnih zločina, te kvartalni izvještaji o realizaciji plana.	
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>
	4	15

<b>Trogodišnji cilj 3.2.</b>	Uspostavljanje redovne prakse objavljivanja saopštenja za medije u vidu konferencija, izjava ili pisanog izvještavanja	
<b>Doprinos ostvarenju trogodišnjeg cilja</b>	U 2023. godini u cilju transparentnog rada suda izdato je 10 saopštenja za medije i javnost o aktivnostima koje su vođene u Kantonalnom sudu u Tuzli, a predsjednica suda je dana 27.10.2023. godine učestvovala u manifestaciji Evropski dan pravde u Panelu u kojem su se javnosti prezentovale ključne informacije o radu pravosudnih institucija, integritetu sudija i tužilaca, te etičkom kodeksu.	
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>
	3	10

<b>Trogodišnji cilj 3.3.</b>	Objavljivanje odluka suda u krivičnim i drugim predmetima od značaja za javnost	
<b>Doprinos ostvarenju trogodišnjeg cilja</b>	Kantonalni sud u Tuzli u 2023. godini objavio je 40 sudskih odluka na web. stranici suda i to 9 odluka u krivičnim predmetima, a 31 odluku u predmetima upravnog spora, iako je bilo planirano samo 14 odluka. Sud još uvijek nema službenika za odnose s javnošću koji bi bio angažovan na ovim poslovima, iako je raspisan konkurs prije 8 mjeseci i ta procedura još uvijek nije završena.	
<b>Pokazatelji za krajnje rezultate</b> (preuzeti iz godišnjeg programa rada)	<b>Očekivani godišnji rezultat</b> (preuzet iz godišnjeg programa rada)	<b>Realizirani rezultat</b>
	14	40

## **b.1 . Obrazloženje za rezultate kod kojih je došlo do odstupanja u odnosu na očekivani godišnji rezultat**

(Ukratko rezimirati i osvrnuti se na rezultate bez obzira da li je odstupanje rezultata pozitivno ili negativno)

U odnosu na očekivani godišnji rezultat došlo je do odstupanja kod Strateškog cilja 1. – Unapređenje efikasnosti rada suda, jer je sud zbog povećanog broja sudija na građanskom referatu uspio riješiti 3.463 najstarija predmeta iz Plana rješavanja predmeta, što predstavlja 81% od ukupnog broja riješenih građanskih predmeta u toku godine, što znači da je riješen daleko veći postotak od 10% predmeta kako je planirano. Razlog pozitivnog odstupanja je povećan broj sudija, ali istovremeno u 2023. godini 7 sudija sa građanskog referata su se nalazi na dužem bolovanju, a

3 sudija još uvijek se na kontinuiranom bolovanju i neizvjesno je kada će se vratiti. Zbog povećanog broja sudija došlo je do smanjenja i dužine trajanja postupka u građanskim predmetima sa 820 na 507 dana. Također je došlo do pozitivnog odstupanja kod Strateškog cilja 3. – Unapređenje otvorenosti i dostupnosti informacija o radu suda, jer je umjesto planiranih 14 sudskih odluka za objavljivanje na web. stranici suda, objavljeno 40 odluka, isključivo zbog izuzetnog angažovanja stručne saradnice, koja je uz pomoć saradnika za IKT vršila enonimizacije sudskih odluka.

Nakon početka rada stručnog saradnika za odnose s javnošću, za koje mjesto smo raspisali konkurs prije 8 mjeseci, ali još uvijek nije završen, sud će imati osobu koja će se moći više posvetiti ažuriranju web. stranice suda i postavljanju sudskih odluka, a za sada te poslove obavlja predsjednica suda uz pomoć stručne saradnice i saradnika za IKT.

<b>Trogodišnji cilj 1.1.</b>		Smanjenje broja i starosti neriješenih predmeta u Građanskom odjeljenju	
<b>Pregled realizacije aktivnosti</b>			
<b>Redni broj</b>	<b>Naziv aktivnosti</b>	<b>Nosilac (najmanji organizacioni dio)</b>	<b>Realizacija (završeno /djelimično /nezavršeno)</b>
1.	Izrada plana rješavanja predmeta po kvartalima	Predsjednica suda	Završeno
2.	Redovno održavanje sjednica Građanskog odjeljenja	Predsjednica Građanskog odjeljenja	Završeno
3.	Redovna analiza mjesečnog rada sudija, sa osvrtom na realizaciju Plana rješavanja predmeta	Predsjednica Građanskog odjeljenja	Završeno
4.	Tromjesečna analiza rada sudija u Građanskom odjeljenju, sa osvrtom na realizaciju Plana rješavanja predmeta	Predsjednica suda	Završeno
5.	Popunjavanje biblioteke suda stručnom literaturom	Sekretar suda	Završeno

<b>Trogodišnji cilj 1.2.</b>		Unapređenje rada na predmetima korupcije	
<b>Pregled realizacije aktivnosti</b>			
<b>Redni broj</b>	<b>Naziv aktivnosti</b>	<b>Nosilac (najmanji organizacioni dio)</b>	<b>Realizacija (završeno /djelimično /nezavršeno)</b>
1.	U Plan rješavanja predmeta uvrstiti predmete korupcije zavedene pod „K“ i „KŽ“	Sud i sudije	Završeno
2.	Redovno na sjednici Krivičnog odjeljenja po sudijama pratiti realizaciju rješavanja predmeta korupcije	Predsjednik Krivičnog odjeljenja i sudije	Završeno

3.	Redovna analiza mjesečnih izvještaja o radu na krivičnim predmetima sa posebnim osvrtom na predmete korupcije	Predsjednica suda i predsjednik Krivičnog odjeljenja	Završeno
4.	Učešće sudija u specijalističoj obuci koja se odnosi na predmete korupcije	Sudije	Kontinuirana obuka

<b>Trogodišnji cilj 1.3.</b>	Smanjenje dužine trajanja postupka u građanskim predmetima		
<b>Pregled realizacije aktivnosti</b>			
Redni broj	Naziv aktivnosti	Nosilac (najmanji organizacioni dio)	Realizacija (završeno /djelimično /nezavršeno)
1.	Izrada kvartalnih izvještaja sa podacima o trajanju postupka u predmetima	Sud	Završeno
2.	Redovno održavanje sjednica odjeljenja	Predsjednica Građanskog odjeljenja	Završeno
3.	Predlaganje mjera od strane sudija za eventualno skraćenje dužine trajanja postupka	Predsjednica Građanskog odjeljenja	Završeno

<b>Trogodišnji cilj 2.1.</b>	Povećanje statističkog kvaliteta sudskih odluka		
<b>Pregled realizacije aktivnosti</b>			
Redni broj	Naziv aktivnosti	Nosilac (najmanji organizacioni dio)	Realizacija (završeno /djelimično /nezavršeno)
1.	Redovno održavanje sjednica odjeljenja na kojima će se razmatrati pitanjekvaliteta sudskih odluka kroz odluke donesene od više sudske instance	Predsjednici odjeljenja suda i sudije	završeno
2.	Kontinuirana edukacija sudija	Sudije	Završeno
3.	Specijalizirane obuke sudija	Sudije	Kontinuirano traje
4.	Popunjavanje biblioteke suda stručnom literaturom	Sekretar suda	Završeno

<b>Trogodišnji cilj 2.2.</b>	Osiguranje on line pristupa legislativi i popuna biblioteke suda stručnom literaturom		
<b>Pregled realizacije aktivnosti</b>			
Redni broj	Naziv aktivnosti	Nosilac (najmanji organizacioni dio)	Realizacija (završeno /djelimično /nezavršeno)

1.	Na sjednicama odjeljenja u sudu inicirati propise koje je potrebno obezbijediti u elektronskoj verziji	Predsjednici odjeljenja	Završeno
2.	Na sjednicama odjeljenja u sudu inicirati zakone i komentare zakona koje je potrebno obezbijediti	Predsjednici odjeljenja	Završeno
3.	Preduzeti aktivnosti u cilju obezbjeđenja zakona i komentara zakona	Sekretar suda	Završeno

<b>Trogodišnji cilj 3.1.</b>	Objavljivanje statistički podataka o radu suda na službenoj web. stranici, objavljivanje saopštenja za medicije, kao i sudskih odluka u krivičnim i drugim predmetima od značaja za javnost		
<b>Pregled realizacije aktivnosti</b>			
Redni broj	Naziv aktivnosti	Nosilac (najmanji organizacioni dio)	Realizacija (završeno /djelimično /nezavršeno)
1.	Objava statističkih izvještaja o radu suda	Sud	Završeno
2.	Objava podataka o donesenom Planu rješavanja predmeta u sudu	Sud	Završeno
3.	Objava statističkih podataka o realizaciji Plana rješavanja predmeta u sudu	Sud	Završeno
4.	Objava saopštenja za medicije	Sud	Završeno
5.	Objavljivanje odluka suda	Sud	Kontinuirano traje

## b.2 . Obrazloženje aktivnosti (načina i stepena realizacije aktivnosti)

(Kod realiziranih aktivnosti, ukoliko smatrate bitnim, možete navesti i istaći koliko su one doprinijele ostvarenju ciljeva suda. Kod djelomično realiziranih aktivnosti kao i kod nerealiziranih potrebno je navesti uzorke i razloge koji su doveli do sprečavanja realizacije aktivnosti.)

Kantonalni sud u Tuzli u 2023. godini uz izuzetan napor svih nosilaca predloženih aktivnosti uspio je realizovati ciljeve planirane Godišnjim programom rada, iako je radio sa 7 sudija manje. U 2023. godini jedan sudija je otišao u penziju u mjesecu novembru 2023. godine, a 7 sudija sa Građanskog odjeljenja, na kojem ima najviše neriješenih predmeta, nalazili su se na bolovanju u trajanju od 32 dana do više od 7 mjeseci, a troje sudija se još uvijek nalazi na bolovanju i neizvjesno je kada će se sa bolovanja vratiti.

U toku godine veliki broj zaposlenika odsustvovao je sa posla usljed bolovanja, a među njima i sekretar suda koji je bio na bolovanju skoro 7 mjeseci, radi čega je bilo izuzetno teško organizovati

rad suda i realizovati postavljene ciljeve. Sudije i zaposlenici koji su bili prisutni na poslu svojim radom i izuzetnim zalaganjem dali su doprinos posebno na realizaciji Plana rješavanja predmeta, jer su morali rješavati predmete sudija koji se nalaze na bolovanju.

Visoko sudsko i tužilačko vijeće BiH u 2023. godini je u izuzetno kratkim rokovima izvršilo imenovanje sudija u ovaj sud kao zamjenu sudije koje su otišle u penziju i sudije za koje je sud obezbijedio sredstva za proširenje sistematizacije suda.

Zadaci Kantonalnog suda u Tuzli u 2024. godini bit će usmjereni na smanjenju broja predmeta u Građanskom odjeljenju, naročito predmeta najstarije kategorije, poboljšanju kvaliteta rada suda, te transparentnosti rada suda u kom smislu će se posebna pažnja posvetiti na upoznavanju javnosti sa aktivnostima koje se vode u sudu kroz objavljivanje statističkih i drugih izvještaja o radu suda, te postavljanju većeg broja sudskih odluka na web. stranicu suda.

Prioritet u radu suda će biti na predmetima korupcije i organizovanog kriminala, s ciljem da se ovi predmeti rješavaju u što kraćim rokovima.

## **PREDSJEDNICA SUDA**

Indira Hadžimehmedović